



**BERLATIH PERBAIKI PERSEMBAHAN:** Para penari diberi tunjuk ajar oleh Encik Salleh Buang (*gambar sisipan*).

Oleh **ZAHARIAN OSMAN**  
Penulis sambilan

25 OCT 1989

**B**UAT pertama kalinya, kira-kira 100 orang anggota Persatuan Kemuning Singapura (PKS) akan bergabung untuk menayakan persembahan Pentas Kemuning.

Dalam persembahan pada 29 Oktober ini, 90 peratus pesertanya terdiri dari golongan remaja.

Langkah mengadakan persembahan ini dapat difahamkan sebagai persiapan untuk menentengahkan ahli-ahli baru dalam persatuan itu.

Penolong Setiausahanya, Cik None Haji Mohd Zain; berkata: "Kami berharap ini dapat dijadikan titik tolak untuk mencari pengalaman dalam berkarya.

"Penyertaan golongan remaja dalam kegiatan kami diharapkan dapat dijadikan semacam pelapis kepada ahli-ahli lama yang kini kurang bergiat."

Difahamkan juga, tujuan mengadakan persembahan ini adalah untuk mengenalkan beberapa sesi dalam persatuan ini.

Selama ini, aktivis-aktivis budaya di sini lebih mengaitkan persatuan ini pada kegiatan drama.

Selain dari itu, persembahan ini juga adalah salah satu acara

## Kemuning persiap ketengah ahli baru

### Gabungan 90 belia jayakan sambutan ulang tahun

sambutan ulang tahun yang ke-14 Persatuan Kemuning Singapura.

Antara acara menarik yang dapat disaksikan pada malam itu ialah dua persembahan tarian hasil pereka tari berpengalaman, Encik Salleh Buang.

Tarian 'Ulit Dian' memaparkan tema perbuatan baik anak-anak yang salih dapat menjinakkan hati kedua orang tua mereka.

Dalam taridra 'Ranting Bayu' pula, kesan yang dihadapi oleh anak-anak sekiranya berlaku perceraian ditampikan.

"Apa yang cuba saya gambarkan ialah, sekiranya perkara ini berlaku pada seseorang remaja, bagaimanakah remaja itu menghadapinya dan arah manakah yang ingin dituju" kata Encik Salleh lagi.

Acara-acara lain dalam persembahan ini ialah bacaan puisi, nyanyian dan lawak jenaka.

Buat pertama kalinya juga, sesi silat persatuan ini akan menunjukkan persembahan pencak silat dua perguruan iaitu Silat Sunda Pejajaran dan Seligi Tunggal.

Remaja yang berminat untuk menonton persembahan ini, tiket-tiket berharga \$2 dan \$3 boleh didapatkan di Panggung Victoria. Persembahan akan dimulakan pada 8.00 malam.

Sementara itu, Festival Teater Remaja anjuran PKS akan menemui para remaja pada 23 hingga 30 Disember tahun ini.

Mereka yang berminat untuk mendapatkan borang boleh menghubungi Encik Salleh Buang menerusi nombor telefon 457-4556.

25 OCT 1989